

樸學齋叢書 王清穆



樸學齋叢書

張壽鏞題



民國十年九月
庚子年八月

先祖卒于清咸豐辛酉當時吾鄉無攝影技師
卽有畫像亦散失於太平天國之亂 先父
嘗言歸汪姓 姑母面上部極似 先祖樸
安幼時及見 姑母今 姑母之歿已五十
餘年彷彿似 先祖之容貌亦不能追憶矣
今排印養拙齋詩存愈覺泫然孫樸安記

吾家故宅門前風景



吾家故宅在此橋東北數十步溪中一盤石
四面環水小橋通焉 先父守拙齋文存中
丹溪磐石記是也橋北一閣矗立水際丹溪
文鈔中墨莊公之丁亥八月十六日夜丹溪
水閣觀月記少坡公之大雪初霽丹溪水閣
觀月與同人賦詩小引是也一山一水當時
習焉忘之久客他鄉披覽此圖悠然神往寄
塵有思故鄉歌爲錄之於下謂云不禁思起
我之故鄉兒時遊釣不能忘不禁思起我之
故鄉天涯烟水勞相望不禁思起我之故鄉
往事回頭半渺茫窗前明月屋角斜陽至今
可是仍無恙今寄塵歿將三年矣不覺惆悵
不已樸安記

AWT 863/01

先父愛亭公遺像



先兄伯春遺像



第七弟寄壁遺像



亡女漳平遺像



先父樸安公遺像
胡子道彥補刊



柳序

中華民國紀元前二載余始識胡子樸安寄塵昆季樸安偉軀幹能文章有志經世之學卓然慕其鄉先哲包安吳寄塵瘦而尪意趣孤峭友人姚錫鈞以爲類黃兩當顧其人端謹自持無兩當之狂也余心雄力絀三十年來百無一成樸安昆季則所學益進著書都盈几案比遭峴夷之難樸安以憂憤膺篤疾幾殆至今猶偏廢而寄塵之亡則已累更裘葛矣余少樸安八歲而身心交病視樸安尤甚登樓扃鑰屏絕世緣頗以薑齋活埋自擬與樸安同居滬濱自其遭疾迄痊瘡雖甚懸懸終未能一過其病榻昔人謂論交不在形迹間余庶幾以是自追歟顧樸安呻吟之餘不廢著述近且輯印樸學齋叢書上起其先德祖父兄三世下逮亡女公子漳平而以寄塵逮著爲中堅焉蓋淵淵乎胡氏一家之藝府矣殺青有日書來屬爲弁首之文余雖病腦神智索然可無一言以謝誼諉乎爰爲觀縷之如右云異時日月重光河山

再造倘僥倖未死終當叩樸學齋之門起居樸安而盡讀其所著書則且以
此文爲息壤矣民國二十九年六月二十七日吳江柳亞子序

陳序

庚辰夏老友胡樸安先生郵書來曰某自犯腦溢後已長爲半身不遂之人矣近印先人以下遺著爲樸學齋叢書子其爲我序之柱覽其目則有君之祖若父所著者焉有君之兄若弟所著者焉有君之女子子所著者焉有胡氏一家之詩文焉有家乘焉未嘗不喟然嘆曰富矣哉吾以是乃知君之學淵原之深而流澤之長也憶杜自未冠游學東瀛于國粹學報得讀君之譔著深佩其能兼考據詞章之美意謂其必六七十歲老儒也及客江南以黃賓虹先生之介遂得識君則君蓋長余十年而已當杜初讀君書時君年不過廿餘歲其成就已如此君魁梧奇偉美鬚髯善談論喜擊劍酒酣耳熱往往拔劍起舞則君蓋不僅文士實奇士也遭時屯遭不得吐其奇君乃益肆力於學於墨經說文之擘討尤博且邃教授滬濱上庠二十餘年弟子遍天下曾一度中風旣而愈長江蘇民政以廉謹稱人方怪君無赫赫之功而不

知君之奇氣已盡洩於君之學與文而政治特其餘事耳罷官後復教授如故雖止酒不飲而興來舞劍如故前年冬會宴於王燦芝女士園亭酒後猶尙見君之舞劍也乃未幾君又以中風聞吾方爲君嘆而君之來書則曰病中每日讀易一卦讀佛書若干葉頗有會心始知病中歲月別有滋味也斯真達人之美談然後嘆吾昔日之嘆爲淺之乎視丈夫矣君今年六十有二近年所著尤當數倍其身尙未盡刊布而獨先從事于先德及子弟之遺著非君之孝友慈愛惡能若是邪是君之學又不僅擅考據詞章之美且深擅義理之長矣民國二十有九年八月北流陳柱謹序

高序

涇縣胡氏本著述世家也余於三十年前先後得交樸安寄塵二君於海上蓋昆仲也面體貌絕異寄塵清癯鶴立出言幽細如好女樸安則器宇軒昂面鰲黑而神采爽奔其飭於行而富於學則同余伏處里門不常來海上來則必與樸安相晤娓娓談竟日別後復馳書論學窮究事理甚樂也寄塵尤靜退數十年來不能多相見歲丁丑之冬余以避難倉皇止逆旅一日者忽聞寄塵以病卒矣悲夫寄塵之齒少余面樸安與余齊年年六十餘矣雖修髯拂腹而精神興會不稍衰能詩能文能舞劍能講學自朝至暮無片刻暇余不逮遠甚也乃去歲以腦溢血病廢致不良於行一室獨居書城坐擁而疾力校印其祖父兄及弟寄塵女滄平諸人之著作凡二十八種爲樸學齋叢書而屬序於余余維家集之盛爰自唐宋聯珠花萼史志所載尙已顧維今之人大抵數典之念都忘誦芬之情不摯上世卽有著述誰復措意於斯

矧自近歲干戈雲擾劫火頻經文獻留遺淪亡殆盡而樸安居滬上篤於孝友藏書滿家先澤之存一無所損因得藉手以竟此書誠可謂離能者矣寄塵遺著至富此編所輯雖已及十餘種而未刊者尙多余在當時多未之獲見也漳平女史本以畫著稱猶憶曩歲辛酉之夏余遊黃山歸樸安命其女作黃山看雲圖巨幅爲贈余以張諸山廬之袖海堂奇峯壁立雲氣迷漫淋漓大筆見者皆驚爲老畫師而不知女史時方及笄耳今時閱二十年而女史已久成宿草余以遭亂流離故居長物蕩盡女史此畫亦已無存矣余故讀其南香畫語詩鈔諸作不覺慨然而興世變滄桑人微風遠之歎也夫庚辰八月初一日金山高燮序

樸學齋叢書第一集目錄

養拙齋詩存

胡學書雪堂著

守拙齋詩存

胡鼎愛亭著

守拙齋文存

胡鼎愛亭著

筆耕錄

胡鼎愛亭輯

伯子詩稿

胡有恂伯春著

江村集

胡懷琛寄塵著

福履理路詩鈔

胡懷琛寄塵著

上武詩鈔

胡懷琛寄塵著

秋山文存

胡懷琛寄塵著

中庸淺說

胡懷琛寄塵著

老子學辨

胡懷琛寄塵著